

**ODLUKU**  
**O REGISTRU UGOVORA O DJELU U ORGANIMA**  
**JAVNOG SEKTORA U KANTONU SARAJEVO**  
**DIO PRVI - OPĆE ODREDBE**

Član 1.

(Predmet regulisanja)

- (1) Ovom odlukom propisuje se obaveza uspostavljanja Registra lica angažovanih po osnovu ugovora o djelu u organima javnog sektora u Kantonu Sarajevo (u daljem tekstu: Registar), sadržaj, obaveza unosa podataka i rokovi, vođenje i upravljanje Registrom, pristup podacima, vremenski period korištenja podataka, odgovornost za autentičnost i tačnost podataka, i uređuju druga pitanja koja se odnose na Registar.
- (2) Preporučuje se općinama na teritoriji Kantona Sarajevo i Gradu Sarajevo da pristupe ovoj odluci, radi uspostave transparentnog, centralizovanog, kvalitetnog i učinkovitog sistema kontrole trošenja budžetskih i namjenskih sredstava i upravljanja ljudskim potencijalima u javnoj službi općina na teritoriji Kantona Sarajevo, Grada Sarajevo i Kantona Sarajevo.
- (3) Pristupanje iz stava (2) ovog člana vrši se donošenjem odluke od strane načelnika, odnosno Gradonačelnika, koja sadrži izričito ovlaštenje Uredu za borbu protiv korupcije i upravljanje kvalitetom Kantona Sarajevo (u daljem tekstu: Ured) za obradu podataka koji su predmet ove odluke, a koju dostavljaju Vladi Kantona Sarajevo i Uredu.

Član 2.

(Primjena Odluke)

Ovu odluku dužni su primjenjivati svi organi uprave i službe, zavodi, agencije, direkcije i upravne organizacije, pravna lica s javnim ovlaštenjima na teritoriji Kantona, javne ustanove i javna preduzeća čiji je osnivač Kanton, te privredna društva u kojima Kanton učestvuje sa više od 50% ukupnog kapitala, kao i općine na teritoriji Kantona Sarajevo i Grad Sarajevo koji pristupe ovoj odluci na način propisan u članu 1. stav (3) ove odluke (u daljem tekstu: organi javnog sektora).

Član 3.

(Rodna neutralnost izraza)

Riječi i pojmovi koji imaju rodno značenje korišteni u ovoj odluci odnose se jednako na muški i ženski rod, bez obzira jesu li korišteni u muškom ili ženskom rodu.

Član 4.

(Registar)

Registar je objedinjena evidencija podataka o licima angažovanim po osnovu ugovora o djelu u organima javnog sektora iz člana 2. ove uredbe.

Član 5.

(Svrha uspostavljanja Registra)

Registar iz člana 1. stav (1) ove odluke, služi kao jedinstvena evidencija podataka o licima angažovanim po osnovu ugovora o djelu u organima javnog sektora, radi uspostave transparentnog, centralizovanog, kvalitetnog i učinkovitog sistema kontrole trošenja budžetskih i namjenskih sredstava i upravljanja ljudskim potencijalima u javnoj službi Kantona Sarajevo.

---

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), Vlada Kantona Sarajevo, na 65. sjednici održanoj 17.02.2022. godine, donijela je

**DIO DRUGI - SADRŽAJ I VOĐENJE REGISTRA****Član 6.**

(Sadržaj podataka u Registru)

- (1) Organi javnog sektora iz člana 2. ove odluke u Registar unose sljedeće podatke:
  - a) ime i prezime lica angažovanog po osnovu ugovora o djelu,
  - b) naziv i sjedište organa javnog sektora u kojem je lice iz tačke a) ovog stava angažovano,
  - c) predmet ugovora o djelu,
  - d) stručna sprema lica iz tačke a) ovog stava,
  - e) zvanje lica iz tačke a) ovog stava stečeno redovnim, vanrednim i drugim oblicima obrazovanja,
  - f) datum potpisivanja ugovora o djelu,
  - g) datum prestanka ugovornog odnosa,
  - h) vremenski period na koji se zaključuje ugovor o djelu i
  - i) iznos mjesečne naknade.
- (2) Dostava i unos podataka u Registar vrši se na osnovu isprava o licu angažovanom po osnovu ugovora o djelu i ostale dokumentacije, a što je odgovornost organa javnog sektora iz člana 2. ove odluke.

**Član 7.**

(Obaveza unosa podataka)

- (1) Podatke iz člana 6. ove odluke organi javnog sektora dostavljaju Uredu radi unosa (evidentiranja) u Registar, sve do uspostave neposrednog načina unosa podataka o licima angažovanim po osnovu ugovora o djelu od ovlaštenih osoba organa javnog sektora u kojima je lice angažovano po osnovu ugovora o djelu.
- (2) Organi javnog sektora iz člana 2. ove odluke dužni su imenovati ovlaštene osobe za dostavu i unos podataka o licima angažovanim po osnovu ugovora o djelu u Registar, nakon uspostave neposrednog načina unosa podataka iz stava (1) ovog člana, koje će imati posebne korisničke šifre za unos.
- (3) Organi iz člana 2. ove odluke dužni su imenovati osobu iz stava (2) ovog člana i dostaviti Uredu ime i prezime, kontakt telefon i e-mail adresu osobe u roku od 15 dana od dana stupanja na snagu ove odluke.
- (4) Nepostupanje u skladu sa odredbama ovoga člana predstavljat će povredu službene dužnosti, odnosno težu povredu radne obaveze.

**Član 8.**

(Blagovremenost podataka)

- (1) Inicijalnu dostavu podataka Uredu o svim licima angažovanim po osnovu ugovora o djelu, organi javnog sektora iz člana 2. ove odluke izvršit će na Obrascu koji će im dostaviti Ured, te iste podatke dostaviti Uredu u roku od 30 dana od dana početka primjene ove odluke.
- (2) Sve naredne dostave podataka o licima angažovanim po osnovu ugovora o djelu vršit će na način predviđen članom 7. st. (1) i (2) ove odluke.
- (3) Lica iz člana 7. stav (2) ove odluke obavezna su dostaviti Uredu, radi unosa u Registar, odnosno nakon uspostave neposrednog načina unosa, unijeti u Registar, podatke o novoangažovanom licu po osnovu ugovora o djelu u roku od deset dana od dana potpisivanja ugovora o djelu.
- (4) Sve promjene podataka o licima angažovanim po osnovu ugovora o djelu u organima javnog sektora ovlaštene

osobe dostavljaju Uredu, odnosno unose u Registar u roku od deset dana od dana izvršenih promjena.

- (5) Lica iz člana 7. stav (2) ove odluke odgovorna su za tačnost i blagovremenost dostavljenih, odnosno unesenih podataka.
- (6) Nepostupanje u skladu sa odredbama ovoga člana predstavlja težu povredu službene dužnosti, odnosno težu povredu radne obaveze.

**Član 9.**

(Uspostava Registra)

Ured uspostavlja i vodi Registar iz člana 1. stav (1) ove odluke.

**Član 10.**

(Vođenje Registra)

- (1) Registar se uspostavlja i vodi u elektronskom obliku pod nazivom Registar ugovora o djelu u organima javnog sektora u Kantonu Sarajevo.
- (2) Na osnovu podataka dostavljenih, odnosno unesenih od strane organa javnog sektora iz člana 2. ove odluke, Ured formira jedinstvenu bazu podataka o licima angažovanim po osnovu ugovora o djelu u organima javnog sektora u Kantonu Sarajevo, objedinjujući podatke primjenom odgovarajućih parametara.
- (3) Tehničko uputstvo za unos podataka u Registar izradit će Ured i isto dostaviti organima javnog sektora iz člana 2. ove odluke, putem e-mail adrese.
- (4) Praćenje rokova za unos podataka i reagovanje prema organima iz člana 2. ove odluke u slučaju nepoštivanja odredbi ove odluke u bilo kom segmentu u nadležnosti je Ureda.

**Član 11.**

(Upravljanje Registrom)

Ured, nakon uspostave Registra, upravlja njegovim daljnjim razvojem u smislu uvođenja informacione podrške funkcijama upravljanja ljudskim potencijalima, centralizovanja podataka i korištenja istih u zakonom i drugim relevantnim propisima predviđene svrhe.

**DIO TREĆI - KORIŠTENJE I ČUVANJE PODATAKA****Član 12.**

(Vremenski period korištenja)

Podaci o licima iz člana 6. ove odluke evidentiraju se i čine dostupnim javnosti za vrijeme trajanja ugovornog odnosa, a brisat će se godinu dana nakon prestanka ugovornog odnosa.

**Član 13.**

(Autentičnost i tačnost unesenih podataka)

- (1) Za autentičnost i tačnost dostavljenih, odnosno nakon uspostave neposrednog načina unosa, unesenih podataka u Registar, odgovorni su organi iz člana 2. ove odluke.
- (2) O pogrešno dostavljenim podacima za unos u Registar, ovlaštena lica iz člana 7. stav (2) ove odluke dužna su obavijestiti Ured u roku od pet dana od dana saznanja.

**Član 14.**

(Izmjena, čuvanje i korištenje podataka)

- (1) Ured vrši objedinjavanje svih prikupljenih podataka i javno objavljivanje na web stranici Informacionog sistema Ureda.
- (2) Podaci u Registru čuvaju se i štite u skladu sa posebnim propisima.

Član 15.

(Osiguranje uslova za vođenje Registra)

Rukovodilac organa javnog sektora iz člana 2. ove odluke odgovoran je za osiguranje potrebnih kadrovskih i tehničkih uslova za unos podataka u Registar.

**DIO ČETVRTI - PRIJELAZNE I ZAVRŠNE ODREDE**

Član 16.

(Nadzor nad primjenom Odluke)

- (1) Odredbe ove odluke obavezno se primjenjuju na sve organe javnog sektora iz člana 2. ove odluke.
- (2) Nepostupanje po odredbama ove odluke predstavlja težu povredu službene dužnosti, odnosno težu povredu radne obaveze i kao takvo je osnov za pokretanje postupka utvrđivanja odgovornosti i poduzimanje mjera od strane rukovodioca organa iz člana 2. ove odluke ili Vlade Kantona Sarajevo kao predstavnika osnivača organa javnog sektora.
- (3) Nadzor nad primjenom ove odluke vrši Ured.

Član 17.

(Stupanje na snagu Odluke)

Ova odluka stupa na snagu narednog dana od dana objavljivanja u "Službenim novinama Kantona Sarajevo", a primjenjivat će se od 01.01.2023. godine.

Broj 02-04-4108-7/22  
17. februara 2022. godine  
Sarajevo

Premijer  
**Edin Forto**, s. r.